



UNIVERSITÄTS-  
BIBLIOTHEK  
PADERBORN

**R. P. Christiani Mayer E Societate Iesv, Diarivm  
Meditationvm, De Præcipvis Vitæ Christi mysteriis**

**Mayer, Christian**

**Coloniæ Agrippinæ, 1635**

4. De Christi adductione ad Annam

---

[urn:nbn:de:hbz:466:1-60091](#)

erga omnes, maximè electos, exercuerit: quam excellentes actus humilitatis & patientiæ internos cum externis coniunctos, dum sic conculcaretur, direque vincitur, frequentarit? Compassio, compunctione, zelus in his imitandi.

**IV.**      *De Christi adductione ad Annam.*  
Ioan. 18.

I. Iesus arctissimè ligatus ab impijs sicarijs, mirificè, tanquam captâ prædâ, exultantibus, raptatus est per Vallem Iosaphat; & torrentem Cedron, adductusque per montem Sion ad Annam Caiphæ sacerorum. Quis cogitando dimetiatur torrentem tam profundum, tot dolorum, opprobiorum & iniuriatum agno innocentissimo, à rabidis illis lupis interea illaturum: quis comprehendat, quam diuinos affectus omnimodæ resignationis erga Patrem, compassionis intimæ erga suos tortores, omnesque reprobos, tenerimæ dilectionis erga omnes Electos elicuerit: cùm quasi coram videret omnia, quæ in hac valle & circumquaque olim in extremo iudicio,

eo, coram hominibus & Angelis universis congregatis essent gerenda. cum clarè intueretur, quam multi, & quinam reprobri, quibus, & quam horribidis supplicijs, ob hæc vel illa peccata, à se forent adiudicandi, & æternæ maledictionis fulmine feriendi; quam pauci electi, & quinam, quibus, & qualibus æternæ gloriæ brauijs ob hæc vel illa merita essent donandi, æternæque benedictionis calculo beandi? quibus, ut accenseri merearis, an non merito oporteret te tam ramum, tantæ patientiæ, mansuetudinis, charitatis, resignationis exemplum imitari?

II. In urbem magna insolentum militum & ministrorum vociferatione introductus sistitur Annæ, & legislatoribus scientiâ inflatis examinandus; à Pontifice magno fastu interrogatus de discipulis, tacet, parcens eorum famæ; de doctrinâ vero, modestè respondens ad auditores remittit. *Ego palam locutus sum mundo, ego semper docui in Synagoga, & in templo, quo omnes Iudei conueniunt, & in occulto locutus sum nihil. quid me interregas? interroga eos, qui audierunt. Quam modestè, verecundè, humiliter vnigenitus æterni*

æterni Patris assistit coram timidis  
terræ vermiculis, quam intimo humi-  
litatis sensu, & accenso eorum salutis  
desiderio?

III. Vnus atq[ue]sistens ministrorum de-  
dit alapam Iesu, dicens : *Sic respondes:*  
*Pontifici?* cui Christus respondit : *Si  
m[al]e locutus sum, testimonium ferhib[er]e  
malo, si autem benè, quid me cedu[re] paratus*  
scilicet illi & alteram maxillam, si ita  
placeret, præbere, imò pro ipsius salu-  
te suam profundere sanguinem. respō-  
dit porrō ideo, ne pontificem iniuriā  
affecisse videretur, sed ita modestè &  
mansuetè absque perturbationis sig-  
no, vt nemo iure posset offendī; & iam  
discretè & efficaciter, vt nihil posset  
contra opponi. Quam crudelis fuit  
illa à furibundo afflentatore inficta  
Christo alapa, in tali consensu, ob iu-  
stissimum prudentissimumque respō-  
sum, cum tali applausu, quam ignomi-  
niosa, quam calumniosa, quam acerba  
quomodo exhorruerit cœlum & ter-  
ra, ad tantam impij hominis audaci-  
am? quomodo obstupuerint Angeli  
tantam filij Dei māsuetudinem, quod  
non illicò in sacrilegum caput ignes  
cœlo demitteret, vt Elias; non feris  
dilaniandum traderet, vt Eliseus; non  
terrâ

terrâ dehiscente absorberi sineret, ut Moyses? Quo rubore suffusus fuerit innocentissimus agnus, summus pontifex, rex, doctor, & legifer noster, cùm diuinum suum vultum, in quem desiderant Angeli prospicere, sacrilegâ dextra maleferiati pontificis mediastini temerari, liuore obduci, fœdeq; intumescere sentiret, nec à quoquam circumstantium tantum scelus improbari, sed potius applausu approbari cerneret? Quis pro dignitate suspicere, laudare, venerari, amare & imitari queat tam inuictam mansuetudinem, tam raram longanimitatem, tam inextinguibilem erga hostes etiam proterissimos charitatem, quam Filius Dei tunc exhibuit, atque etiamnùm quotidie exhibit erga tot peccatores deliberatè peccando mortaliter, diuinissimæ eius faciei sacrilegè tot alapæ infligentes? Compassio, compunctione cum horrore peccati, amor, zelus imitandi mansuetudinem, & charitatem, etiam erga inimicos & calumniatores.